

CONVENIO DE COLABORACIÓN ENTRE A CONSELLERÍA DE ECONOMÍA, EMPREGO E INDUSTRIA DA XUNTA DE GALICIA E O CONSELLO GALEGO DE CAMARAS PARA A REALIZACIÓN DUN PROGRAMA DE DIVULGACIÓN DA ARBITRAXE MERCANTIL EN GALICIA

En Santiago de Compostela, a 31 de outubro de dous mil dezasete, na sede da Consellería de Economía, Emprego e Industria.

REUNIDOS

Dunha parte D. _____, conselleiro de Economía, Emprego e Industria de la Xunta de Galicia, nomeado para o devandito cargo por Decreto 148/2016, de 13 de novembro, actuando en exercicio das competencias que ten atribuídas polo artigo 34 da Lei 1/1983, de 22 de febreiro, de normas reguladoras da Xunta de Galicia e da súa Presidencia.

Doutra, D. _____, na súa calidade de Presidente do Consello Galego de Cámaras nomeado para o dito cargo na Sesión de Pleno do Consello Galego de Cámaras de 14 de xullo de 2010.

Interveñen no exercicio dos seus respectivos cargos, recoñecendo a lexitimidade e a capacitación suficiente para a subscripción do presente convenio, en base ao cal,

EXPOÑEN

PRIMEIRO.- A Consellería de Economía, Emprego e Industria, en adiante, a consellería, segundo o artigo 1º do Decreto 175/2015, do 3 de decembro, polo que se establece a estrutura orgánica da Consellería de Economía, Emprego e Industria (DOG nº 232, do 4 de decembro de 2015), é o órgano da Xunta de Galicia ao que lle corresponde o exercicio, entre outras, de competencias en materia de comercio interior e dentro destas cabe sinalar, especificamente: a promoción, fomento, modernización e desenvolvemento do comercio, e a programación e xestión de axudas destinadas a estes fins en colaboración con outras institucións e entidades.

Concretamente, o programa 751A, que xestiona a Dirección Xeral de Comercio, contempla a renovación do sector comercio e mais a promoción de sectores e produtos galegos, neste caso apoiando as actuacións desenvolvidas polo Consello Galego de Cámaras de Comercio, todo isto para desenvolver un programa de divulgación da arbitraxe mercantil na Comunidade Autónoma de Galicia, como un instrumento moi útil para as empresas e que contribúe a mellorar o nivel de competitividade do tecido empresarial galego.

No orzamento de gastos para o exercicio 2017 inclúese a aplicación orzamentaria 09.30.751A.781.1 e proxecto de investimento número 2015 00254. De conformidade co disposto polos artigos 19.4 e 26 da Lei de 9/2007, do 13 de xuño, de subvencións de Galicia, trátase dunha subvención de concesión directa que se instrumenta a través deste convenio de colaboración.

SEGUNDO.- O Consello Galego de Cámaras de Comercio, e o organismo de representación, relación e coordinación das cámaras e órgano consultivo e colaborador da Xunta de Galicia e das administracións públicas en xeral.

O Consello contempla nos seus estatutos, entre outros, o establecemento de convenios con outras entidades públicas e privadas, así como plans de actuación conxunta das cámaras galegas e as propostas de financiamento correspondentes, a colaboración, e asesoramento coa administración autonómica, en temas referentes ó comercio para a realización de proxectos e

accións en materia de comercio. Correspóndelle tamén colaborar na tramitación de programas públicos de axudas ás empresas, na xestión de servizos públicos e no desempeño das funcións administrativas que se encomenden e participar naqueles proxectos de infraestruturas e servizos comúns que afecten a nosa Comunidade.

Así mesmo segundo o disposto no artigo 2 da Lei 5/2004, de 8 de xullo, de Cámaras Oficiais de Comercio, Industria, e Navegación de Galicia, estas son corporacións de dereito público, configurándose como órganos consultivos e de colaboración coas administracións públicas, especialmente coa Administración da Comunidade Autónoma de Galicia”, e no seu artigo 4.3. parágrafo segundo se recollen como funcións das cámaras, entre outras, desempeñar actividades de mediación, así como de arbitraje mercantil, nacional e internacional, de conformidade co establecido na lexislación vixente.

TERCEIRO.- Por elo, considérase que as súas actuacións enmárcanse no interese xeral e, xa que logo, que existen razóns de interese público, social, económico que xustifican, conforme ao artigo 19.4.c) e 26.2.a) da Lei 9/2007, de 13 de xuño, de subvencións de Galicia, a colaboración da Xunta de Galicia, a través da Consellería de Economía, Emprego e Industria, na financiación deste convenio, para a concesión dunha subvención directa de carácter singular ao Consello de Cámaras.

CUARTO.- Con carácter previo á sinatura deste convenio, o Consello Galego de Cámaras acreditou a non concorrencia doutras axudas públicas para a mesma finalidade, de conformidade co establecido no artigo 11.d) da Lei de subvencións de Galicia. Así mesmo, constan certificacións de estar ao corrente nas súas obrigas tributarias, coa Seguridade Social e de non ter débedas pendentes por ningún concepto coa Xunta de Galicia, de acordo co establecido nos artigos 11.e) e 31.7 da devandita lei.

En consecuencia, e co obxectivo de determinar as liñas que rexerán nas actuacións, as partes acordan subscribir o presente convenio de colaboración de conformidade coas seguintes:

CLÁUSULAS

PRIMEIRA.- Este convenio ten por obxecto establecer as bases de colaboración entre a Consellería e o Consello Galego de Cámaras, para o financiamento dun programa de divulgación sobre as posibilidades que ofrece a arbitraje mercantil entre as empresas galegas, cun orzamento total de DAZAOITO MIL (18.000,00) EUROS, dacordo co seguinte desglose:

ACTUACIÓNS	ORZAMENTO
1. Xornadas divulgativa/talleres para empresas	11.000,00 €
2. Divulgación publicitaria/foro sobre a arbitraje mercantil	7.000,00 €
Total.....	18.000,00 €

SEGUNDA.- A consellería achegará a cantidade de DAZAOITO MIL (18.000,00) EUROS, con cargo á aplicación orzamentaria 09.30.751A.781.1, proxecto de investimento 2015.00254 do orzamento de gastos para o ano 2017.

TERCEIRA.- O Consello Galego de Cámaras achegará os seus recursos materiais e humanos necesarios para levar a cabo as actuacións sinaladas no programa de divulgación, e responsabilizarase da execución dos servizos correspondentes ás actuacións previstas neste convenio e a especificar a colaboración da consellería en toda a documentación que delas se deriven.

Con carácter previo a execución do programa, o Consello presentará a Dirección Xeral de Comercio e Consumo, o plan de actuacións e o seu custo desglosado para a súa aceptación e posterior cumprimentación.

O Consello Galego de Cámaras xestionará a organización de xornadas-taller, só unha en cada localidade, en colaboración coas Cámaras de Comercio de Galicia, dentro do seu ámbito de actuación, para a divulgación da arbitrase. O Consello e a Cámara será responsable de darlle a máxima publicidade e difusión, tanto entre os seus asociados coma entre os que non o son, e entre a poboación en xeral a través dos medios que considere máis axeitados. O Importe subvencionable será de mil (1.000,00) euros máximo por cada xornada/taller.

O Consello Galego de Cámaras remitirá a Dirección Xeral de Comercio e Consumo un listado dos participantes cos seguintes datos: nome, NIF, nome comercial de selo caso e sinatura do asistente e documentación gráfica da celebración da xornada.

Con carácter xeral e de acordo co artigo 29 da Lei 9/2007, do 13 de xuño, de subvencións de Galicia, consideraranse gastos subvencionables aqueles que de xeito indubitado respondan á natureza da actividade subvencionada, e se realicen dentro do período comprendido entre o 1 de xaneiro e o 30 de novembro de 2017.

Os gastos subvencionables ao abeiro deste convenio e os seus importes máximos serán os que estean vinculados aos conceptos detallados no orzamento establecido na cláusula primeira.

Considerarase gasto realizado o que foi efectivamente pagado á data de finalización do período de xustificación determinado neste convenio.

O Consello Galego de Cámaras, como entidade promotora da actuación obxecto deste convenio e co obxecto de garantir a súa adecuada execución, comprométese a asumir a dirección técnica e deberá proceder, en consecuencia, á asignación dos medios humanos e materiais que sexan necesarios e, se é o caso á subcontratación dos servizos precisos para isto ata o 100% deles, asumindo expresamente o contido dos límites e obrigas establecidos no artigo 27 da Lei 9/2007, do 13 de xuño, de subvencións de Galicia e no artigo 43 do Decreto 11/2009 do 8 de xaneiro, polo que se aproba o Regulamento da devandita lei, sen prexuízo da aplicación da disciplina da contratación pública se a beneficiaria cumpre coas condicións do artigo 3.3 b) do Real decreto lexislativo 3/2011, do 14 de novembro, polo que se aproba o texto refundido da Lei de contratos do sector público para ser poder adxudicador.

CUARTA.- A aportación da consellería para a realización das actividades obxecto deste convenio é incompatible con outras axudas outorgadas por outras administracións ou entes públicos ou privados, nacionais ou internacionais para a mesma finalidade.

QUINTA.- O importe da subvención abonarase, atendendo ao ritmo de execución dos gastos, despois da presentación, por parte do Consello Galego de Cámaras da certificación e xustificación da realización das actividades e dos gastos incorridos correspondentes, sen que o conxunto dos pagamentos a conta poida superar o 80% da porcentaxe subvencionada correspondente aos pagamentos xustificadas, segundo o disposto no artigo 62 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.

O beneficiario queda exento da prestación de garantías en relación cos pagamentos a conta previstos neste convenio, conforme ao disposto no artigo 67.4 do Decreto citado no parágrafo anterior.

A data límite para xustificar as actuacións realizadas rematará o 30 de novembro de 2017.

Coa xustificación acompañarase unha relación nominativa de facturas agrupadas e ordenadas por cada unha das actuacións desenvolvidas, facendo constar para cada documento o seu número de orde, data de expedición, expedidor, concepto, importe en euros e data de pago.

Ademais achegarase a documentación acreditativa de realización do gasto, que consistirá nas facturas ou documentos de valor probatorio equivalentes no tráfico xurídico-mercantil ou con eficacia administrativa incorporados na relación á que se fai referencia no apartado anterior, e a documentación correspondente ao pagamento, no caso de pagos a terceiros, que se acreditará mediante transferencia bancaria e extracto bancario onde figure o cargo por esta. Nos documentos deberán quedar identificados o receptor e o emisor do pago, non admitíndose en ningún caso os pagos en efectivo. Dita documentación consistirá en orixinal ou copia compulsada por notario ou funcionario público. Se presenta os orixinais éstos serán devoltos ao beneficiario unha vez comprobada a xustificación.

Así mesmo o Consello Galego de Cámaras deberá dar a adecuada publicidade do carácter público do financiamento en todas as actuacións que deriven da execución do programa, adoptando as medidas de difusión contidas no punto 3 do artigo 15 da Lei 9/2007, de subvencións de Galicia, e deberán incluír en cada comunicación ou actuación relativa as actuacións previstas neste convenio o logo da Xunta de Galicia e a frase: “financiado pola Consellería de Economía, Emprego e Industria”.

Cando o importe do gasto subvencionable supere as contías establecidas no texto refundido da Lei de contratos do sector público aprobado polo Real decreto legislativo 3/2011, de 14 de novembro, para o contrato menor (os de importe inferior a 50.000 euros, cando se trate de contratos de obras, ou a 18.000 euros, cando se trate doutros contratos), o Consello Galego de Cámaras deberá achegar a documentación relativa á solicitude de, como mínimo, tres ofertas de diferentes provedores, con carácter previo á contratación do compromiso para a prestación do servizo ou a entrega do ben, salvo que polas súas especiais características non exista no mercado suficiente número de entidades que as realicen, presten ou subministren, ou salvo que o gasto se realizase con anterioridade á solicitude da subvención; todo elo de acordo co establecido no artigo 29.3 da Lei 9/2007, do 13 de xuño de subvencións de Galicia, modificado pola Lei 12/2011 do 26 de decembro de medidas fiscais e administrativas.

A elección entre as ofertas presentadas, que deberán achegarse na xustificación, ou, se é o caso, na solicitude da subvención, realizarase de conformidade con criterios de eficiencia e economía, e deberá xustificarse expresamente nunha memoria a elección cando no recaia na proposta económica máis vantaxosa.

Así mesmo, de conformidade co disposto no artigo 11.d) da Lei de subvencións de Galicia, o Consello Galego de Cámaras deberá acreditar a non concorrencia con outras axudas para a mesma finalidade.

Para facer efectivo o devandito libramento, cómpre que polo Consello Galego de Cámaras se presenten certificacións de estar ao corrente nas súas obrigas tributarias, coa seguridade social e de non ter débedas pendentes por ningún concepto coa Xunta de Galicia. Así mesmo o Consello Galego de Cámaras, unha vez executadas as actuacións, deberán poñelas a disposición da consellería en formato dixital para a súa libre disposición nas actividades que desenvolva a consellería.

A consellería resérvase o dereito de solicitar toda a documentación que se considere precisa en relación coa xustificación do obxecto deste convenio. Por outra banda, o Consello Galego de Cámaras queda obrigado a facilitar toda a información que lle sexa requirida polo Intervención Xeral da Comunidade Autónoma, o Tribunal de Contas e o Consello de Contas, no exercicio das súas funcións de fiscalización e control.

En virtude do disposto no artigo 4 da Lei 1/2016, do 18 de xaneiro, de transparencia e bó goberno, o beneficiario está obrigado a subministrar á Administración concedente, previo requirimento, toda a información necesaria para dar cumprimento as obrigas previstas no Título I da citada Lei.

O Consello Galego de Cámaras remitirá a dirección xeral de Comercio e Consumo, ao final das actuacións, unha memoria con todas as actividades realizadas.

SEXTA.- Producirase a perda do dereito ao cobramento total ou parcial da subvención no suposto de falta de xustificación do cumprimento do convenio, das obrigas contidas nestas cláusulas, das obrigas contidas no artigo 33 da Lei 9/2007, de subvencións de Galicia, ou na demais normativa aplicable, o que dará lugar á obriga de devolver total ou parcialmente a subvención percibida, así como os xuros de demora correspondentes.

O procedemento para declarar a procedencia da perda do dereito de cobramento da subvención e para facer efectiva a devolución a que se refire o punto anterior será o establecido no Título II da Lei 9/2007, do 13 de xuño, de subvencións de Galicia.

Cando se trate de condicións referentes a contía ou conceptos do investimento subvencionable, o alcance do incumprimento determinarase proporcionalmente ao gasto deixado de practicar ou aplicado a conceptos distintos dos considerados subvencionables e, se é o caso, deberán reintegrarse as cantidades percibidas na dita proporción. Con carácter xeral, se o incumprimento superase o 60% do investimento subvencionable das actuacións, entenderase que o dito incumprimento é total, e deberán reintegrarse todas as cantidades percibidas e os seus xuros de demora.

A entidade beneficiaria da subvención regulada neste convenio seralle de aplicación o réxime de infraccións e sancións previsto no Título IV da Lei 9/2007, do 13 de xuño, de subvencións de Galicia e no Título VI do seu regulamento.

Así mesmo, toda alteración das devanditas condicións poderá dar lugar á modificación das cantidades establecidas na cláusula segunda deste convenio. As devanditas modificacións deberán formalizarse a través da correspondente addenda e someterse aos requisitos previstos no artigo 35 do Decreto 11/2009, do 8 de xaneiro, polo que se aproba o Regulamento da Lei 9/2007, de 13 de xuño, de subvencións de Galicia.

SÉTIMA.- O Consello Galego de Cámaras presta o seu consentimento á consellería para que, de acordo co establecido na disposición adicional primeira do Decreto 132/2006, do 27 de xullo, polo que se regulan os rexistros públicos creados nos artigos 44, 45 da Lei 7/2005, do 29 de decembro, de orzamentos xerais da comunidade autónoma de Galicia para o ano 2006, publique as axudas concedidas nos rexistros públicos referidos con expresión da entidade beneficiaria, a contía e a súa finalidade, na forma que determine o órgano competente.

OITAVA.- Este convenio entrará en vigor ao día seguinte a súa sinatura, e estenderá a súa vixencia ata o 30 de novembro de 2017.

NOVENA.- A subscrición deste convenio non comporta relación laboral, contractual ou de calquer outro tipo entre os profesionais que desenvolvan as actividades e a consellería, de tal xeito que non se lle poderá esixir responsabilidade ningunha, nin directa, nin indirecta, nin subsidiaria polos actos ou feitos acaecidos no seu desenvolvemento.

DÉCIMA.- Coa finalidade de asegurar o cumprimento deste convenio, crearase unha comisión de seguimento de composición paritaria, que coordinará o seu desenvolvemento. Reunirase a petición dunha das partes, e actuará como órgano de vixilancia, seguimento e control do establecido neste Convenio. A citada Comisión estará presidida por un dos representantes da consellería.

En todo o non especificamente previsto sobre o funcionamento desta comisión, serán de aplicación as normas sobre órganos colexiados previstas no capítulo II do título II, da Lei 39/2015, de 1 de outubro, do Procedemento Administrativo Común das Administracións Públicas, e na sección III, capítulo I, título I (artigos 15 e seguintes) da Lei 16/2010, de 17 de decembro, de organización e funcionamento da Administración xeral e do sector público autonómico de Galicia.

A propia comisión, unha vez constituída, decidirá o réxime das súas reunións.

UNDÉCIMA.- A modificación da distribución das actuacións previstas no presente convenio son circunstancias que poden dar lugar a unha modificación non substancial do convenio que será aprobada polo Conselleiro de Economía, Emprego e Industria previa proposta da Comisión Mixta de Seguimento prevista na cláusula décima do presente convenio, sempre que non supoñan incremento na contía global prevista, que respondan aos obxectivos sinalados na cláusula primeira do convenio e cumpran os requisitos da normativa, nacional e autonómica, en materia de subvencións.

Calquera outra modificación distinta das anteriores, proposta pola Comisión Mixta de Seguimento, será realizada a través do mesmo procedemento que se seguiu para a elaboración deste convenio.

DÉCIMO SEGUNDA.- Este convenio resolverase por incumprimento total ou parcial dalgunha das cláusulas que o regulan, ou polo transcurso do tempo estipulado sen que se culminen as actividades acordadas.

DÉCIMO TERCEIRA.- Na execución do presente convenio respectarase a normativa vixente en materia de protección de datos. As partes comprométense a adoptar e implementar as medidas de seguridade a que se refire o artigo 9 da Lei Orgánica 15/1999, do 13 de decembro, de protección de datos de carácter persoal (LOPD), e, en particular, as que correspondan en función dos niveis de seguridade esixible aos datos e ficheiros derivados da execución dos programas, conforme ao establecido no Real Decreto 1720/2007, do 21 de decembro, polo que se aproba o Regulamento de desenvolvemento da citada Lei.

As partes comprométense a cumprir o disposto na LOPD e demais normativa sobre protección de datos de carácter persoal e, especialmente as obrigas de información e esixencia de consentimento expreso aos interesados para o tratamento e cesión dos seus datos coa finalidade de posibilitar o desenvolvemento, execución e avaliación dos programas.

DÉCIMO CUARTA.- Este convenio ten natureza administrativa e considérase incluído no artigo 4.1.d) do Real decreto legislativo 3/2011, do 14 de novembro, polo que se aproba o texto refundido da Lei de contratos do sector público, polo que queda fóra do seu ámbito de aplicación. Non obstante, se aplicarán os principios e criterios do dito texto legal para resolver as dúbidas e lagoas que puideran presentarse.

Este convenio rexeráse, ademais do disposto no seu clausulado, pola Lei 39/2015, de 1 de outubro, do Procedemento Administrativo Común das Administracións Públicas e pola Lei 9/2007, do 13 de xuño, de subvencións de Galicia. Así mesmo, seranlle de aplicación as demais normas de dereito administrativo aplicable ou, no seu defecto, as derivadas do dereito privado. En consecuencia, correspóndelle á consellaría a prerrogativa de interpretación deste convenio e resolver as dúbidas que xurdan sobre o seu cumprimento, sendo os acordos neste senso inmediatamente executivos sen prexuízo de que se poidan interpor contra eles os correspondentes recursos contencioso-administrativo.

E, en proba de conformidade, subscríbese este convenio no lugar e data enriba sinalados, por duplicado exemplar e para un único efecto.

**Pola Consellería de Economía, Emprego e
Industria da Xunta de Galicia**

Polo Consello Galego de Cámaras



XUNTA DE GALICIA
CONSELLERÍA DE ECONOMÍA,
EMPREGO E INDUSTRIA
Dirección Xeral de Comercio e Consumo

Cámaras
Consello Galego de Cámaras